

漢事會最人物志



漢事會最人物志

惠棟輯錄

叢書集成初編

(補印本)

漢事會最人志

一九三九年十二月初版
一九六〇年一月補印

惠棟輯錄

商務印書館出版

上海市印刷六廠印刷

兩漢會最人物志目錄

卷上

高帝

元帝

班婕妤

河間獻王曾孫惠

戾太子

蔡生

張良

蕭何

韓信

酈生

夏侯嬰

孔疇

文帝

呂后

王嬙列女

梁孝王

項羽

陳嬰

陳平

曹參

周勃

韓王信

孔聚

管少卿

朱虛侯

鄧通

邳都

李廣利

衛青

韓安國

李陵

桑宏羊

東方朔

張騫

張湯
子安世

疎廣

張敞

何武

霍光

吳芮

鼂錯

四皓

朱買臣

車千秋

司馬相如

卜式

董仲舒

金日磾

唐蒙

司馬遷

嚴延年

耿壽

倪寬

翟方進

賈萌

翟義

樓護

廬俗方術

史岑

卷中

光武

靈帝

獻帝

和熹鄧后

馬援

桓譚

張純

班固

陳蕃

京房

王莽

楊雄

李宏

明帝

弘農王靈帝皇子辨

陰后

吳漢

馬防

馮衍

侯霸

馬融

郭泰

李膺

崔寔

杜林

竇章

鄧炎

劉洪

仲長統

孔融

蔡邕

邊讓

繁欽

服虔

王粲兄凱
凱子業

鄭產

章康

崔瑗

崔烈

衛宏

趙壹

董扶

許慎

徐幹
蘇班

禰衡

王延壽

劉梁

繆斐

鄭康成孫小同

傅幹

嚴象

孔嵩
范式

汝郁殷陶

司馬徽

扈累

唐衡

孟他

秦嘉妻徐淑

周乘

卷下

樊重

梁暉

金尙

何苗

荀淑陳穉叔

荀爽

荀悅

井丹

管寧

寒貧

蔡倫宦者

曹嵩

曹娥列女

梁冀

馬日磾

楊彪

橋玄族子瑁

荀靖壘 昱 所衛子 倍

杜安子根

陳寔子紀 諶 孫翬 諶子忠

宗承

徐穉

謝甄

孫賓碩

梁鵠

董卓

高順

丁原

劉表

劉修

傅巽

周不疑

徐璆

袁紹

審配

許虔弟劭

袁宏

孟敏

劉褒

樊英

呂布

陳宮

賈詡

張羨

劉琮

劉先

袁術

劉焉

沮授

田豐

逢紀

韓嵩

張楊

公孫瓚

臧洪

韓遂
邊章

曹鳳

王儁

王匡

孔伾

劉囂

牛輔

張邈

韓融
陰循

鍾皓

韓珩

陶謙

眭固

劉虞

韓馥

習郁
子機

何顒

金綽

袁遺

王芬

周毖

陳溫
陳瑀

胡毋班

荀巨伯

郗慮

兩漢會最人物志

目錄

國淵

趙商

閻忠

王柔
王澤

脂習

張逸

段煨

衛茲

高慎
子式

徐英

漢事會最人物志卷上

清 元和惠 棟輯錄

高帝

潛夫論五德志曰。含始吞赤珠。尅曰玉英生漢龍威女媼。劉季與。

孫陽之述。晝曰。漢高祖被圍七日。陳平使能畫作美女。送與冒頓。闕氏忍冒頓勝漢。其寵必衰。說冒頓解。

圍於白登。水經溫水注。

河圖曰。帝劉季。日角戴勝。斗胸龍股。長七尺八寸。昌光出軫。五星聚井。期之興。天授圖。地出道。于張兵於。

後漢書班固傳注。

三輔舊事曰。太上不樂關中。高祖徙豐沛屠兒沽酒賣餅。商人立爲新豐縣。故一縣多小人。藝文類聚七十二。

陸賈楚漢春秋曰。高祖向咸陽。南趣宛。宛堅守不下。乃匿其旌旗。人銜枚。馬束口。龍舉而翼奮。雞未鳴。圍。

宛城三匝。宛城降。太平御覽三百五十七。

楚漢春秋曰。淮陰武王反。上自擊之。張良居守。上體不安。臥輜車中。行三四里。留侯走東追上。簪墮被髮。

及輜車。排戶曰。陛下卽棄天下。欲以王葬乎。以布衣葬乎。上罵曰。若翁天子也。何故以王及布衣葬乎。良。

曰。淮南反於東。淮陰害於西。恐陛下倚溝壑而終也。太平御覽三百九十四。

楚漢春秋曰高祖初封侯者皆賜丹書鐵券曰使黃河如帶泰山如礪漢有宗廟爾無絕世御覽五百九十八

文帝

潛夫論浮侈篇曰孝文皇帝躬衣弋綈足履革舄以韋帶劍集上書囊以爲殿帷盛夏苦暑欲起一臺計直百萬以爲奢費而不作也

王沈魏書曰文帝常嘉漢文帝之爲君寬仁玄默務欲以德化民時文學諸儒或以爲孝文雖賢其于聰明通達國體不如賈誼帝由是著太宗論曰昔有苗不賓重華舞以干戚尉佗稱帝孝文撫以恩德吳王不朝錫之几杖以撫其意而天下賴安乃弘三章之教愷悌之化欲使曩時累息之民得闊步高談無危懼之心若賈誼之才敏籌畫國政特賢臣之器管晏之資豈若孝文大人之量哉他日又從容言曰願我亦有所不取漢文帝者三殺薄昭幸鄧通慎夫人衣不曳地集上書囊爲帳帷以爲漢文儉而無法三國志書

文帝紀注

後漢書翟酺上言孝文皇帝始置五經博士武帝大合天下之書李賢注曰武帝建元五年始置五經博士文帝之時未遑庠序之事酺之此言不知何據

望氣經曰漢文帝時日中有王字御覽四

元帝

潛夫論本政篇曰漢元以來驕貴之臣每受罪誅黨與在位并伏辜者常十二三

呂后

潛夫論忠貴篇曰。當呂氏之貴也。太后稱制而專政。祿產秉事而握權。擅立四王。多封子弟。兼據將相。外內磐結。自以雖湯武興。五霸作。弗能危也。於是廢仁義而尙威虐。滅禮信而務譎詐。海內怨痛。人欲其亡。故一朝摩滅。而莫之哀也。

楚漢春秋曰。惠帝崩。呂太后欲爲高墳。使從未央宮而見之。諸將諫不許。東陽侯垂泣曰。陛下見惠帝冢。悲哀流涕無已。是傷生也。臣竊哀之。太后乃止。御覽四百五十七

班婕妤

鍾嶸詩品曰。漢婕妤班姬。其源出於李陵。團扇短章。辭旨清捷。怨深文綺。得匹婦之致。侏儒一節。可以知其工矣。

王嬙列女

世說賢媛篇曰。漢元帝宮人既多。乃令畫工圖之。欲有呼者。輒披圖召之。其中常者。皆行貨賂。王明君姿容甚麗。志不苟求工。遂毀爲其狀。後匈奴來和。求美女於漢帝。帝以明君充行。既召見而惜之。但名字已去。不欲中改。於是遂行。

郡國志曰。王昭君。秭歸人也。有香谿。卽昭君每常遊翫之處。御覽六十七

河間獻王曾孫惠

漢事會最人物志

卷上

今本三輔黃圖曰。河間獻王德。築日華宮。置客館二十餘區。以待學士。自奉養甚薄。不踰賓客。

漢名臣奏杜業奏曰。河間獻王。經術通明。積德累行。天下雄俊衆儒皆歸之。孝武帝時。獻王朝。被服造次。必於仁義。問以五策。獻王輒對無窮。孝武帝艷然難之。謂獻王曰。湯以七十里。文王百里。王其勉之。王知其意。歸卽縱酒聽樂。因以終。史記五宗世家注。

陶潛孝傳曰。漢河間惠王。獻王之曾孫也。西京藩臣。多驕放之失。其名德者。唯獻王。而惠王繼之。漢書稱其能修獻王之行。母薨。服喪盡禮。哀帝下詔書褒揚。以爲宗室儀表。增封萬戶。禮古之人皆然。至於末俗衰薄。固已賢矣。貴而率禮又難。其見褒賞。不亦宜乎。

梁孝王

今本三輔黃圖曰。梁孝王好營宮室。苑囿之樂。作曜華宮。築兔園。園中有百靈山。有膚寸石。落猿巖。栖龍岫。又有雁池。池間有鶴洲。鳧渚。其諸宮觀。相連延亘數十里。奇果異樹。珍禽怪獸。畢有。王日與宮人賓客弋釣其中。

續述征記曰。梁孝王家中有數尺水。有大鯉。人謂有靈。不敢犯。御覽九百三十六

水經睢水注曰。文帝十二年。封少子武爲梁王。太后之愛子。景帝寵弟也。是以警衛貂侍。飾同天子。藏珍積寶。多擬京師。招延豪傑。士咸歸之。長卿之徒。免官來遊。廣睢陽城七十里。大治宮觀。臺苑屏榭。勢竝臯居。其所經構也。役夫流唱。必曰睢陽。創傳由此始也。

又曰。晉灼曰。或說平臺。在城中東北角。亦或言兔園。在平臺側。如淳曰。平臺離宮所在。今城東二十里有臺寬廣而不甚極高。俗謂之平臺。梁大治宮室。爲複道。自宮東出楊州之門。左陽門。卽睢陽東門也。連屬於平臺側近矣。屬之城隅。則不能。是知平臺不在城中也。梁王與鄒枚。司馬相如之徒。極遊於其上。故齊隨郡王山居序。所謂西園多士。平臺盛賓。鄒馬之客咸在。伐木之歌屢陳。是用追芳昔娛。神遊千古。故亦一時之盛事。謝氏賦雪。亦曰。梁王不悅。遊於兔園。今也。歌堂淪宇。律管埋音。孤基塊立。無復曩日之望矣。

戾太子

三輔故事曰。衛太子獄鼻。武帝疾。避暑甘泉宮。太子來省疾。至甘泉宮。江充謂太子曰。勿入。陛下有詔。惡太子鼻獄。當持紙蔽其鼻。及入。充語武帝曰。太子不欲聞陛下臚鼻。故蔽鼻。帝大怒。太子走還。御覽三百六十七

又七百四十二

三輔舊事曰。武帝發兵攻衛太子。連鬪三日。白虎門前溝中。血流沒足。御覽三百十三

項羽

楚漢春秋曰。項王在鴻門。亞父曰。吾使人望沛公。其氣衝天。五色相繆。或似龍。或似雲。非人臣之相。可誅之。漢高祖會項羽。范增目羽。羽不應。樊噲杖盾撞入。入食豕肩。羽壯之。水經渭水下注

法言重黎篇曰。或問楚敗垓下方死。曰。天也。諒乎。曰。漢屈羣策。羣策屈羣力。楚傲羣策。而自屈其力。屈人者克。自屈者負。天曷故焉。

陶宏景古今刀劍錄曰。董卓少時耕野。得一刀。無文字。四面隱起作山雲文。斫玉如木。一作泥。及卓貴。示五官郎將蔡邕。邕曰。此項羽刀也。

楚漢春秋曰。沛公西入武關。居於霸上。遣將軍閉函谷關。無內項王。項王大將亞父。至關不得入。怒曰。沛公欲反耶。即令家發薪一束。欲燒關門。關門乃開。藝文類聚六。

西漢詞圖曰。項籍之敗。李大角。御覽七。

楚漢春秋曰。項王在鴻門。而亞父諫曰。吾使人望沛公。其氣衝天。五彩相糺。或似雲。或似龍。或似人。此非人臣之氣也。不若殺之。御覽八十七。又十。

述異記曰。今烏江長亭亭下。有騅馬塘。即當時烏江亭長。驢舟待項王處。御覽七。

陸賈楚漢春秋曰。沛公脫身鴻門。從間道至軍。張良、韓信乃謁項王軍門曰。沛公使臣奉白璧一雙。獻大王足下。玉斗一隻。獻大將軍足下。亞父受玉斗置地。戟擯破之。御覽三百。

大周正樂曰。力拔山者。項羽之所作也。項王爲漢所圍於垓下。諸侯兵悉到。圍數重。項王夜覺。聞漢軍四面楚歌。驚起仰天而嘆曰。漢得吾衆。是何楚歌之多。於是心悲。援琴而鼓之。御覽五百。

蔡生

法言重黎篇曰。蔡生欲安項咸陽。不能移。又亨之。其者未辯與曰。生捨其木侯。而謂人木侯。亨不亦宜乎。

陳嬰